

聖求詞一卷

呂濱老

## 聖求詞序

世謂少游詩似曲。子瞻曲似詩。其然乎。至荆公桂枝香詞。子瞻稱之。此老真野狐精也。詩詞各一家。惟荆公備衆作。豔體雖樂府柔麗之語。亦必工緻。真一代奇材。後數十年。常宣和末。有呂聖求者。以詩名。諷詠中率寓愛君憂國意。不但弄筆墨清新俊逸而已。其憂國詩云。憂國憂身。到白頭。此主風雨。一沙鷗。又云。尙喜山河歸帝子。可憐麋鹿入王宮。瘡傷詩云。塵斷征車。雲低虜帳深。古今那有此。天地亦何心。釋憤詩云。未滿嵇紹血。誰發諫臣章。赤心皆。詩史氣象。縉紳巨賢多錄彙家藏。但不窺全袂。未能爲刊行也。一日。復得聖求詞集一編。婉媚深窈。視美成者。卿伯仲耳。余因念聖求詩詞俱可以傳後。惜不見他所著叙。以是知世間奇才未乏也。士友輩將刻聖求詞。求序於余。故余得言其大概。聖求居嘉興。名濱老。嘗位周行。歸老於家。云嘉定壬申中秋朝奉大夫成都路轉運判官趙師宥序。

# 聖求詞

## 目錄

- |        |        |         |
|--------|--------|---------|
| 薄倖一調   | 望海潮一調  | 選冠子二調   |
| 念奴嬌一調  | 情久長二調  | 滿江紅四調   |
| 醉蓬萊一調  | 齊天樂一調  | 沁園春一調   |
| 滿路花一調  | 蕩山溪二調  | 千秋茂一調   |
| 早梅芳近一調 | 醉落魄二調  | 惜分飛一調   |
| 浣溪沙三調  | 漁家傲六調  | 思佳客一調   |
| 好事近五調  | 天僊子一調  | 燕歸梁一調   |
| 小重山一調  | 清平樂一調  | 河傳一調    |
| 握金釵二調  | 南歌子一調  | 蝶戀花二調   |
| 品令一調   | 祝英臺近一調 | 水調歌頭八調  |
| 江城子二調  | 水龍吟一調  | 減字木蘭花一調 |
| 江城子慢一調 | 如夢令一調  | 極相思一調   |
| 賀新郎一調  | 浪淘沙一調  | 思佳客一調   |
| 二郎神一調  | 百宜嬌一調  | 醉思僊一調   |

宋六十一名家詞

- |        |        |        |
|--------|--------|--------|
| 眼兒嬌二調  | 夢玉人引一調 | 傾杯令二調  |
| 生查子三調  | 撲蝴蝶近二調 | 一落索三調  |
| 謁金門一調  | 鼓笛慢一調  | 西江月慢一調 |
| 思佳客二調  | 夜遊宮一調  | 淙溪沙一調  |
| 南歌子一調  | 如夢令一調  | 浣溪沙一調  |
| 浪淘沙一調  | 醉桃源一調  | 思佳客一調  |
| 小重山一調  | 柳梢青一調  | 卜算子四調  |
| 如夢令一調  | 木蘭花一調  | 戀香衾一調  |
| 豆葉黃五調  | 千秋歲一調  | 好事近一調  |
| 南鄉子二調  | 浪淘沙一調  | 卜算子一調  |
| 小重山一調  | 惜分釵二調  | 如夢令一調  |
| 水龍吟一調  | 鵲橋儂一調  | 點絳脣二調  |
| 水調歌頭一調 | 好事近二調  | 青玉案一調  |

# 聖求詞

宋 呂濱老

薄倖

青樓春晚。晝寂寂。梳勻又懶。乍聽得鴉啼鴛弄。惹起新愁無限。記年時。偷擲春心。花間隔霧遙相見。便角枕題詩。寶釵貫酒。共醉青苔深院。怎忘得迴廊下。攜手處。花明月滿。如今但暮雨。蜂愁蝶恨。小窗閒對芭蕉展。卻誰拘管。儘無言。閒品箏箏淚滿。參差雁腰肢漸小。心與楊花共遠。

望海潮

側寒斜雨。微燈薄霧。忽忽過了元宵。簾影護風。盆池見日。青青柳葉柔條。碧草皺裙腰。正晝長。煙暖。蜂困。鶯嬌。望處淒迷。半篙綠水。浸斜橋。孫郎病酒無聊。記烏絲醉語。碧玉風標。新燕又雙。兩心漸吐。嘉期趁取花朝。心事轉迢迢。但夢隨人遠。心與山遙。誤了芳音。小窗斜日對芭蕉。  
(側寒。坊本作側寒。非。詳見跋中。○半篙綠水浸斜橋。一本作半篙綠水斜橋。按譜應作七字句。)

選冠子

雨溼花房。風斜燕子。池閣晝長春晚。檀盤戰象。寶局鋪碁。籌畫未分還嬾。誰念少年。齒怯梅酸。病疎霞盞。正青錢遮路。綠絲明水。倦尋歌扇。空記得小閣題名。紅牋青製。燈火夜深。裁翦明

眸似水。妙語如弦。不覺曉霜雞喚。聞道近來，箏譜慵看。金鋪長掩，瘦一枝梅影，回首江南路遠。

又

風約晴雲。花乾宿露。簾幕萬家清曉。青帘賽酒，小塢藏春。冶葉豔枝相照。羊駕小車，笑逐遊人，遠迷芳草。更紅英飛舞，繡茵連接，霧臺煙沼。年少日，細馬戎韉，紅靴玉帶，同指輦塵西笑。珍珠戲擲，彩筆搜奇，不覺暮春鶯老。誰見這迴，霜點染衰，事縈懷抱。訴一春心事，燕子周遮來了。

念奴嬌（贈希文寵姬）

暮雲收盡。霽霞明。高擁一輪寒玉。簾影橫斜，房戶靜。小立啼紅簌簌。素鯉頻傳，蕉心微展，雙蕊明紅燭。開門疑是，故人敲撼窗竹。長記那裏西樓，小寒窗靜盡，掩風箏鳴屋。淚眼燈光，情未盡。儘覺語長更促。短短霞杯，溫溫羅帕，妙語書裙幅。五湖何日，小舟同泛春綠。

情久長

鎖窗夜永，無聊盡作傷心句。甚近日帶紅移眼。梨臉擇雨，春心償未足。怎忍聽啼血，催歸杜宇。暮帆挂。沈沈暝色，滾滾長江，流不盡，來無據。點檢風光，歲月今如許。趁此際浦花汀草，一棹東去。雲窗霧閣，洞天曉。同作煙霞伴侶。算誰見，梅簾醉夢，柳陌晴遊，應未許。春知處。

又

冰梁跨水。沈沈霽色遮千里。怎向我小舟孤楫。天外飄墜，夜寒侵短髮，睡不穩，窗外寒風漸起。

歲華暮。蟾光射雪。碧瓦飄霜。塵不動。寒無際。雞咽荒郊。夢也無歸計。擁繡枕。斷魂殘魄。清吟無味。想伊睡起。又念遠。樓閣橫枝對倚。待歸去。西窗翦燭。小閣凝香。深翠幕。饒春睡。

滿江紅

晚浴新涼。風蒲亂。松梢見月。庭陰盡。暮蟬啼歇。螢繞井闌。簾入燕。荷香蘭氣。供搖箠。賴晚來。一雨洗游塵。無些熱。心下事。蜂重疊。人甚處。星明滅。想行雲。應在鳳凰城闕。曾約佳期。同菊蕊。當時共指燈花說。據眼前。何日是西風。涼吹葉。

又

笑語移時。風影亂。半簾寒日。鮮明是晚來。妝飾共說西園。攜手處。小橋深竹。連苔色。到如今。梧葉染清霜。封行跡。春未透。梅先折。人縱健。時難得。想明年。虛過上元寒食。數著佳期。愁入眼。雨珠零亂。梨花溼。任翠鬢。欹側背斜陽。鳴瑤瑟。

又

燕拂危檣。斜日外。數峯凝碧。正暗潮生渚。暮風飄席。初過南村。沽酒市。連空十頃。菱花白。想故人。輕箠障遊絲。聞遙笛。魚與雁。通消息。心與夢。空牽役。到如今。相見怎生。休得斜把琵琶傳。密意一襟。新月橫空碧。問甚時。同作醉中仙。煙霞客。

又（分楊子耕韻）

山繞吳城。修竹外滿林團碧。任孤檣百丈，遠牽江色。政簡民間無一事，同遊仍是鴛鴦客。到晚  
年遺愛續新題，都堪說。脩門賦，今誰續。痛飲士天應惜。正彩霞垂帔，暮風飄瑟。笑疾禪痴，今  
在否。風燈石火同飄忽。去醉鄉深處，著身心，休銘櫛。

醉蓬萊

任落梅鋪綴，雁齒斜橋，裙腰芳草。閒伴遊絲，過曉園庭，照近清明。雨晴風軟，稱少年尋討。碧  
縷牆頭，紅雲水面，柳隄花島。誰信而今，怕愁憎酒，對著花枝，自疎歌笑。鶯語丁寧，問甚時重  
到。夢筆題詩，把綾封淚，向鳳簫人道。處處傷□年年遠□念惜春人老。

齊天樂（觀競渡）

香紅飄沒，明春水。寒食萬家遊舫。整整斜斜，疎疎密密，簾繡旗紅相望。江波蕩漾，稱彩艦龍舟，  
繡衣霞漿。舞楫爭先，歌笑簫鼓亂清唱。重來劉郎老，對故園桃紅春晚。盡成惆悵。淚雨難晴，  
愁眉又結。翻覆十年，手掌如今，怎向念舞板歌塵，遠如天上。斜日回舟，醉魂空舞颺。

沁園春

復把元宵等閒過了。算來告誰。整二年三歲，尊前笑處，知他啓了。多少歌詩，豈信如今，不成些  
事。還是無聊空皺眉。爭知道，冤家誤我，日許多時。心兒轉更痴迷。又疑道清明得共伊。但自  
家，晚夜多方遣免，不須煩惱。兩月爲期，用破身心，博些歡愛。有后不成人，便知從來是這風流。

伴侶有分雙飛。

滿路花（同柳仲修在趙屯）

西風秋日短。小雨菊花寒。斷雲低古木。暗江天。星娥尺五。佳約誤當年。小語憑肩處。猶記西園。畫橋斜月闌干。鳥啼花落。春信遣誰傳。尙容清夜夢。小留連。青樓何處。寶鏡注嬋娟。應念紅牋事。微暈春山。背窗愁枕孤眠。

暮山溪

韻高格妙。不數閒花草。向晚小梳妝。換一套新衣始了。橫釵整鬢。倚醉唱清詞。房戶靜。酒杯深。簾幕明殘照。揚州一夢。未盡還驚覺。自恁在心頭。拈不出何時是了。吳霜點鬢。春色老劉郎。雲路遠。晚溪橫。誰見桃花笑。

又

元宵燈火。月淡遊人可。攜手步長廊。又說道傾心向我歸來一夢。整整十年餘。人似舊。去無因。牽惹情懷破。章臺楊柳。聞道無關鎖。行客挽長條。情不似當初些箇。而今休也。搖落任東風。但恁意。儘留情。我也知無那。

千秋歲

寶香盈袖。腕約金條瘦。裙兒細裊如眉皺。笑多簪髻側。語小絲篁奏。洞房晚。千金未直橫波溜。

豆。綠短。懽難。又人去。春如舊。枝上月。誰攜手。宿雲迷遠夢。淚枕中殘酒。怎奈向。繁陰亂。葉梅如

早梅芳近

畫簾深。妝閣小。曲徑明花草。風聲約雨。暝色啼鴉。暮天杳。染眉山對碧。勻臉霞相照。漸更衣對客。微坐自輕笑。醉紅明。金葉倒。恣看還新好。瑩注粉淚。滴爍波光射。庭沼犀心通密語。珠唱翻新調。佳期定約秋了。

醉落魄

明窗讀易。時才人地俱超軼。偶然一墮槐安國。說利談功。這事怎休得。何將置酒圖書室。揮絃目送西飛翼。夜來已覺春鶯溢。月影三人。一醉舊相識。

又

織鞋窄襪。紅茵自稱琵琶拍。明衣妝臉春梳掠。好好亭亭。那得恁標格。匆匆一醉霜華白。歸來偏記藍橋宅。五更殘夢迷蝴蝶。覩著花枝。只被繡簾隔。

惜分飛(元夕)

白玉花驄金絡腦。十里華燈相照。簾映春窈窕。霧香殘。膩桃花笑。一串歌珠雲外鼻。飲罷玉樓寒悄。歸去城南道。柳梢獵獵東風曉。

浣溪沙

煙柳濛濛鵲做巢。青青弱草帶斜橋。鶯聲多在杏花梢。逐伴不知春路遠，見人時著小詞招。阿誰有分伴吹簫。

又

彩選散兒隔袖拈。整釵微見玉纖纖。夜寒窗外更垂簾。好事燈花雙作蕊，照人月影入斜簷。新愁日日座中添。

又

做得姻緣不久長。驚風枝上偶成雙。歸來魂夢帶幽香。燈下揉花春去早，竹間影月索歸忙。十年前事費思量。

漁家傲（作浮圖語送深上人遊廬山）

聞道廬山橫廣澤。晴空萬頃波濤白。上有至人營窟宅。經遊客。古今多是煙霞謫。一鉢上人輕六翻。選場要射如來策。點化黃金非妙藥。難堪酌。三生一口都吞卻。

又

昨夜山空流石乳。道人妙手親拈取。未欲凌雲歸洞府。清風舉。大千一葉同掀舞。笑把須彌搗破鼓。東山雲作西山雨。我欲住庵無拄斧。君相許。三更明月湖心午。

又

潦倒瞿曇饒口悄。拈花冤道頭陀笑。雞足山中眠未覺。誰知道。至今功業猶分割。唇口周遮。何日了。禪牀四面藤蘿繞。有箇路頭君試討。梅花老。南園蝴蝶飛芳草。

又

高絆袈裟挑紙帔。一杯茶罷成行計。路入廬山風細細。輕彈指。百千三昧俱遊戲。法椅何曾燒兩臂。誰知紙上無窮意。欲識普賢真實際。駒駒地。小爐雪夜和衣睡。

又

頂上鐵輪飛火焰。防身細按威神劍。體用雙行誰敢覘。光閃閃。何須更把茶林搥。衲子家風存古儉。一條柳栗如天塹。粥鼓未鳴燈火暗。無思念。斷崖古木橫藤藋。

又

落月杜鵑啼未了。粥魚忽報千山曉。笠子蓋頭衣鉢少。穿林表。回頭高刹空中小。官路舊多林木繞。露濃花蕊皆顛倒。渡水登山排草草。廬山好。香爐峯下湖波渺。

思佳客

江上何人一笛橫。倚樓吹得月華生。寒風墮指傾三弄。小市收燈欲二更。持蟹股。破霜橙。玉人水調品箏箏。細看桃李春時面。共盡玻璃酒一觥。

又

微點胭脂暈淚痕。更衣整鬢立黃昏。春風攪樹花如雨。夕靄迷空燕趁門。題往事。錦回紋。春心無定似行雲。深屏繡幌空愁獨。明月梨花帶一尊。

好專近

別酒帶愁酸。千里失羣黃鶴。行到小橋梯下。便飛雲南北。不妨垂手小徘徊。日影轉闌曲。從此賀囊佳製。有新奇題目。

又

飛雪過江來。船在赤闌橋側。惹報布帆無恙。著兩行親札。從今日日在南樓。髮自此時白。一詠一觴誰共負。平生書冊。

又

年少萬函書。朱紫只應低拾。更賴主人明眼。作青雲梯級。歸來應是印纍纍。笳鼓鬧鄉邑。若訪老人生計。販謝郎蓑笠。

又

雲影護梅枝。短短未禁飛雪。彩幅自題新句。作催妝佳闋。西樓昨夜五更寒。恐一枝先發。元是素娥無寐。駕半輪明月。

又

小飲破清寒。坐久困花顏。玉兩行。豔衣明粉。聽阿誰拘束。麗華百媚。坐來生。仙韻動羣目。一曲鳳簫同去。倦人間。絲竹。

天仙子（代人送希文）

樓下轆轤橫露井。樓上嬋娟開曉鏡。下樓難忘上樓時。風未定。帆不正。蔌蔌珍珠揮塵柄。眉上新愁吹不醒。別酒未斟歌未忍。雪中梅下定重來。煙冥冥。腸寸寸。莫放笛聲吹落盡。

燕歸梁

樓外東風杜宇聲。雙枕細眉顰。女郎番馬小山屏。金籠冷。夢魂驚。起來重綰雙羅髻。無個事。淚盈盈。楊花蝴蝶亂分身。飛不定。暮雲晴。

小重山（七夕病中）

半夜燈殘鼠上檠。上窗風動竹。月微明。夢魂偏記水西亭。琅玕碧。花影弄蜻蜓。千里暮雲平。南樓催上燭。晚來晴。酒闌人散斗西傾。天如水。團扇撲流螢。

河傳

斜紅照水。似晴空萬里。明霞相倚。逐伴笑歌。小立綠槐陰裏。請沒些春氣味。紛紛覩著閒桃。李淺淺深深。不滿遊人意。幽豔一枝。向晚重簾深閉。是青君愛惜底。

清平樂（上元趙仲能窗）

水餅石硯。敗壁蝸書篆。窗下日舒縫衲線。屋角晚風飛霰。上元燈火佳時。長廊語笑追隨。高臥一番紙帳。覺來月貫南枝。

握金釵

風日困花枝。晴蜂自相趁。晚來紅淺香盡。整頓腰肢。暈殘粉。絃上語。夢中人。天外信。青杏已成雙。新尊薦櫻筍。爲誰一和銷損。數著佳期又不穩。春去也。怎當他。清晝永。

又

向晚小妝勻。明窗倦裁翦。見花清淚遮眼。開盡繁桃。又春晚。心下事。比年時。都較懶。蝴蝶入簾飛。郎聲似鶯囀。見來無計拘管。心似芭蕉。乍舒展。歸去也。夕陽斜。紅滿院。

南歌子

策杖穿荒圃。登臨笑晚風。無窮秋色蔽晴空。遙見夕陽江上捲飛蓬。雁過菰蒲遠。山遙夢寐通。一林楓葉墮愁紅。歸去暮煙深處聽疎鐘。

又

遠色連朱閣。寒鴉噪夕陽。小爐溫手酌鵝黃。掩亂一枝清影在寒窗。念遠歌聲小。嗔歸淚眼長。纖腰今屬冶遊郎。朝暮楚宮雲雨恨忙忙。

蝶戀花

風洗遊絲花皺影。碧草初齊。舞鶴閒相趁。短夢乍回慵理鬢。驚心忽數清明近。逐伴強除眉上恨。趁蝶西園。不覺鞋兒褪。醉笑眼波橫一寸。微微酒色生紅暈。

又

花色撩人紅入眼。可是東君。要得人腸斷。欲訴深情春不管。風枝雨葉空撩亂。漫插一枝飛一醜。小賞幽期。破我平生願。珍約未成春又短。但憑蝴蝶傳深怨。

品令

繡衣未整。傍窗格。臨清鏡。新霜薄霧。這下幾日。陰晴不定。欲插黃花心事。又還記省。去年香徑。共粉蝶。閒相趁。寶香玉珮。暗解付與。多情荀令。何日西樓。重見暮帆煙艇。

祝英臺近

寶蟾明。朱閣靜。新燕近簾語。還記元宵。燈火小橋路。逢迎春筍柔微。凌波纖穩。惜不願斗斜三鼓。甚無據。誰信一霎春愁。鴛聲留不住。柳色苔痕。風雨暗花圃。細看羅帶銀鈎。綃巾香淚。算不枉那時分付。

水調歌頭

（十月初十日。同周元發。謁姚氏昆季。多不遇。因與說道小飲。出其兄進道作水調歌頭一韻。幾

二十首。讀之殆不勝情。次其韻作一篇。傾其人亦以贈元發。說道。）

扁舟思獨往。檣影劃晴烟。要伴人隨明月。踏破水中天。誰信騎鯨高逝。空對筆端風雨。如汎楚江船。老子窮無賴。端欲把降竿。白蘋汀。歸老計。似高閒。平生愛我。一言相置。二劉間。準擬何山松桂。折足鑄能安穩。芋火對闌殘。何必少林語。立雪問心安。

又（明日純中以酒見貺。約即見過。徘徊江上。久不至。復次其韻。）

江湖堪極目。非霧亦非烟。故人相見縱橫。高義薄雲天。已具萸尊茗話。悵望雲中江樹。不見子猷船。日色隱林表。十里認帆竿。百年間。無個事。且安閒。功名兩字。茫然都墮。有無間。且盡身前一醉。休問古來今往。及取菊花殘。仙事占無據。竹帛笑劉安。

又（壬寅九月謁李修題其書室壁曰秋齋夢謁復以進道韻續之）

秋齋多夢謁。舌本欲生烟。獨步一庭明月。雁字已橫天。作個生涯不遂。松竹雨荒三徑。卻憶五湖船。小阮貧尤甚。犢鼻挂長竿。白鷗汀。風共水。一生閒。橫琴唳鶴。要攜妻子。老雲間。燈火熒。深夜高臥。南窗折几。杯到不留殘。莫遣江湖手。遮日向長安。

又（壬寅十月二十四日飲少酒徑醉。攤案而寢。中夜酒醒。次其韻作一篇。）

心肝皆錦繡。落筆盡雲煙。詩狂酒興。要騎赤鯉上青天。織女回車相勞。指點虛無征路。翻動月明船。舉手謝同輩。豈復念漁竿。我平生。心正似。白雲閒。衣冠汗我。偶逢遊戲。到人間。常念孤雲高妙。若作轆轤俯仰。誰復食君殘。拜塵金谷輩。都是臥崇安。

又（哭進道。飛橋自古雙溪合。檉柳如今夾岸垂。么金店別業詩）

詩人翻水盡。寂寞五侯烟。醉魂何在。應騎箕尾列青天。記得平生談笑。夾岸手栽楊柳。同泛夜深船。溪水還依舊。深淺半青竿。小神仙。殷七七。許閑閑。黃梁未熟。經遊都在夢魂間。我厭鴛塵濁味。幾欲凌雲羽化。雞犬不留殘。俗事丹砂冷。且抱一枝安。

又（陳性孺不相見十年矣。今在雲間。欲撲被訪之。大病遂已。次其韻而寄之）

暮雲遮遠眼。疊疊入青煙。十年不見。醯雞同舞甕中天。聞道山陰回棹。相去都無百里。李郭可同船。行止皆天意。端欲自操竿。功名事。須早計。真安閒。高才妙手。不當留意市塵間。我已山林長往。塵面時時拂鏡。齒髮甚衰殘。廊廟非吾事。茅屋且安安。

又（與小飲）

撫牀多感慨。白髮困風煙。出門有礙。更堪寒暮雪飛天。君乘一盃一納。奔走五湖清海。杯度不乘船。來訪山中友。□□□□。看人間。誰得似。謫僊閒。生涯不問。留情多在酒杯間。翦燭西風談笑。零落一尊相對。不覺已更殘。回首功名事。牋記謝任安。

又（送季修回希文去秀）

十年禪榻畔。風雨颺茶煙。跳丸日月。未甘白髮困堯天。江左風流才子。要伴江湖張翰。同泛洛陽船。酌酒情無盡。海燕繞船竿。逼人來。功業事。不教閒。男兒三十。定當談笑在堂間。老子婆

娑貧態閉戶長鬚赤腳他日要分殘禹浪桃花影歸棹正輕安

何山道人水調歌頭二十首一韻余和之計前後凡八首道人之語如謝康樂詩出水芙蓉自然可愛余誠不足以繼其後嗚呼道人死矣僊耶人耶皆不知俟如其數焚香燒以與之魂如有靈當凌雲一笑

江城子

曉參垂戶宿醒醒坐南亭對疎星點點螢光偏向竹梢明望斷長空何處是雲葉亂彩霞橫西樓依舊抱重城小銀屏此時情鴉陣翻叢枯柳兩三聲欹枕欲尋初夜夢雞唱遠曉蟾傾

又

聞君見影已堪憐短因緣偶同筵相見無言分散倍依然做夢楊花隨去也妝閣畔繡牀前覺來離緒意綿綿寫蠻牋倩誰傳魚雁悠悠門外水如天欲上西樓還不忍難著眼望鞦韆

水龍吟(寄竹西)

五湖春水茫茫夢魂夜逐楊花去汀花岸草佳人微笑眼波橫注借問劉郎心期則甚一成無據自春來淚滿揜藍袖口沒整頓心情處聞道相如病渴念文君白頭新句相思兩地光窮煙水二庭花霧錦字藏頭織成機上一時分付問他年更有微雲淡月重來兮未

減字木蘭花

雨簾高捲。芳樹陰陰。連別館。涼氣侵樓。蕉葉荷枝各自秋。前溪夜舞。化作驚鴻。留不住。愁損  
腰肢。一桁香銷。舊舞衣。

又

明眸巧笑。坐久更宜燈燭照。小醉辭歸。懷抱明明只自知。瑣窗重見。桃李春風三月面。怎不  
思量。折柳孤吟。斷殺腸。

江城子慢

新枝媚斜日。花徑霽晚碧。泛紅滴。近寒食。蜂蝶亂點。檢一城春色。倦遊客。門外昏鴉啼夢破。春  
心似遊絲。飛遠碧。燕子又語斜簷。行雲自沒消息。當時烏絲夜語。約桃花時候。同醉瑤瑟。甚  
端的。看看是榆角。楊花飛擲。怎忘得。斜倚紅樓。回淚眼。天如水。沈沈連翠壁。想伊不整啼妝影。  
簾側。

如夢令

百和寶釵香珮。短短同心霞帶。清鏡照新妝。巧畫一雙眉黛。多態多態。偷覩榴花窗外。

極相思

拂牆花影飄紅。微月辨簾櫳。香風滿袖。金蓮印步。狹徑迎逢。笑靨乍開。還斂翠。正花時。卻恁  
西東。別房初暉。斜門未鎖。且更從容。

又

西園鬪草歸遲。隔葉嘯黃鸝。闌干醉倚。鞦韆背立。數徧佳期。寒食清明都過了。趁如今芍藥  
薔薇。袂衣吟露。歸舟纜月。方解開眉。

賀新郎（別竹西）

斜日封殘雪。記別時檀槽按舞。霓裳初徹。唱煞陽關留不住。桃花面皮似熱。漸點點珍珠承睫。  
門外潮平風席正。指佳期共約花同折。情未忍。帶雙結。釵金未斷腸先結。下扁舟更有暮山  
千疊。別後武陵無好夢。春山子規更切。但孤坐一簾明月。蠶共繭。花同蒂。甚人生要見底多離  
別。誰念我淚如血。

浪淘沙

倚枕數更籌。清夜悠悠。竹風荷露小窗秋。往事迷人渾不省。總是離愁。無賴是橫眸。濟楚風  
流。一時攬攬著心頭。調數夢魂將我去。明月重樓。

思佳客

深夜槐風折。慄露荷涼氣滿西亭。凭闌小語花梢月。緩步偷拈石上螢。秋意早。暑衣輕。磔  
人索酒復同傾。大家沈醉還高枕。一任西樓報五更。

二郎神

西池舊約。燕語柳梢桃萼。向紫陌鞦韆影下。同縮雙雙鳳索。過了鶯花休則問。風共月一時閒。卻知誰去喚秋陰。滿眼敗紅葉。飄泊江湖載酒。十年行樂。甚近日傷高念遠。不覺風前淚落。橘熟橙黃堪一醉。斷未負晚涼池閣。只愁被撩撥春心。煩惱怎生安著。

百宜嬌

隙月垂篔。亂蛩催織。秋晚嫩涼房戶。燕拂簾旌。鼠窺窗網。寂寂飛螢來去。金鋪鎮掩。漫記得花時南浦。約重陽。萸糝菊英。小樓遙夜歌舞。銀燭暗佳期細數。簾幕漸西風。午窗秋雨。葉底翻紅。水面皺碧。燈火裁縫砧杵。登高望極。正霧鎖官槐歸路。定須將寶馬鈿車。訪吹簫侶。

醉思僊

斷人腸。正西樓獨上。愁倚斜陽。稱鴛鴦鷓鴣。兩兩池塘。春又老人何處。怎慣不思量。到如今瘦損我。又還無計禁當。小院呼盧夜。當時醉倒殘缸。被天風吹散。鳳翼難雙。南窗雨。西樓月。尙未散拂天香。聽鶯聲。悄記得。那時舞板歌梁。

眼兒媚

曉欵催鬢詰。南風碧澗小橋通。榆陰短短。露光炯炯。滿地花紅。天涯不見歸帆影。蜂蝶儘西東。宿醒漸解。殘妝猶在。曉日簾櫳。

又

循檻琅玕粉沾衣。一片子規啼。蓬壺夢短，蜀衾香遠，愁損腰肢。石城堂上雙雙燕，應傍暮愁飛。春江艇子雪中梅，下知與誰期。

夢玉人引

上危梯盡盡畫閣迴。畫垂簾。曲水飄香。小園鶯喚春歸。舞袖弓彎。正滿城煙草淒迷。結伴踏青，趁蝴蝶一雙飛。賞心歡計，從別後，無意到西池。自檢羅囊，要尋紅葉留詩。嬾約無憑，鶯花都不知。怕人問，強開懷，細酌一醪醅。

傾杯令

楓葉飄紅。蓮房肥露。枕席嫩涼先到。簾外蟾華如掃。枝上啼鴉催曉。秋風又送潘郎老。小窗明疎螢淺照。登高送遠。惆悵白髮至今未了。

又

隔座藏鉤。分曹覆射。燭豔漸催三鼓。箏按教坊新譜。樓外月上春浦。徘徊爭忍忙歸去。怕明朝無情風雨。珍花美酒團坐。且作尊前笑侶。

生查子

攤錢臨小窗。撲蝶穿斜徑。醉戲晚風前。吹亂連枝影。別來秋夜長。夢到金屏近。腸斷一聲雞。殘月懸朝鏡。

又

裙長步漸遲。扇薄羞難掩。鞋褪倚郎肩。問路眉先斂。踏青南陌回。倚醉開嬌靨。今夜更同行。忍笑勻妝臉。

又

雙鬢綠髮齊。多笑薦紅落。穿竹過西齋。問字時偷學。嬌慵不慣羞。同倚闌干角。屈指數元宵。燈火堪行樂。

撲蝴蝶近

分釵縮髻。洞府難分手。離觴短闕。啼痕冰舞袖。馬嘶霜滑。橋橫路轉。人依古柳。曉色漸分星斗。怎分割。心兒一似。傾入離愁萬千斗。垂鞭佇立。傷心還病酒。十年夢裏。嬋娟二月花中。豈寇春風爲誰依舊。

又

風荷露竹。秋意侵疎鬢。微燈曲几。有簾通桂影。乍涼衣著。輕明微醉。歌聲審聽。穩新愁。滯人方寸。怎不悶。當初欲憑燕翼。西飛寄歸信。小窗睡起。梁間都去盡。夜長旅枕先知。秋杪黃花漸近。一成爲伊銷損。

一落索

蟬帶殘聲移別樹。晚涼房戶。秋風有意染黃花。下幾點淒涼雨。渺渺雙鴻飛去。亂雲深處。一山紅葉爲誰愁。供不盡相思句。

又

宮錦裁書寄遠意。長辭短。香蘭泣露。雨催蓮暑。氣昏池館。向晚小園行徧。石榴紅滿。花花葉葉盡成雙。渾似我梁間燕。

又

鳥散餘花飛舞。滿地風雨。長江滾滾接天流。夜送征帆去。今夜行雲何處。斷腸南浦。殘燈不剪五更寒。獨自與餘香語。

謁金門（甲子年同寅伯題于壁）

人已老。春亦不留些少。花盡葉長蠶。又把子規啼未了。往事不論多少。且向尊前一笑。白髮滿頭愁已到。路長波渺渺。

鼓笛慢

拍肩笑別洪崖。共看紫海還清淺。蓬壺舊約。人間舒笑。桃紅千徧。去歲爭春。今年逼臘。滿空飄霰。漸橫枝照水。清絲弄日。都點綴。江南岸。須吸百川爲壽。捲恩波已傾銀漢。戎袍擁戟。萬釘圍帶。天孫新眷。十里塵香。五更弦月。未收絃管。正築箏續譜。宮簫定拍。候來冬按。

西江月慢

春風淡淡。清晝永。落英千尺。桃杏散平郊。晴蜂來往。妙香飄擲。傍畫橋。煮酒青帘。綠楊風外。數聲長笛。記去年紫陌朱門。花下舊相識。向寶帕裁書。憑燕翼。望翠閣。烟林似緡。聞道春衣猶未整。過禁煙寒食。但記取角枕情題。東窗休誤。這些端的。更莫待青子綠陰春事寂。

思佳客（竹西從人去數年矣。今得歸。偶以此煩全美退之）

曾醉揚州十里樓。竹西歌吹至今愁。燕銜柳絮春心遠。魚入晴江水自流。情渺渺。夢悠悠。重尋羅帶認銀鈎。挂帆欲伴漁人去。只恐桃花誤客舟。

又（全美久不通。偶伯禧去問錄前所賦。復作一首）

薄薄山雲欲溼花。雙雙燕子入簾斜。西樓尚記垂垂雪。酌酒猶殘片片霞。人已遠。髮成華。小樓疎竹宅誰家。試憑去雁通消息。僊子當乘八月槎。

夜遊宮（生日代人獻江宰）

簾外繁霜未掃。樓角動玉繩橫曉。百和交焚瑞煙繞。霽霞明。畫屏深。天渺渺。喜色連池沼。薦眉壽。玉兒嬌小。早晚除書下天表。日初長。莫等閒。孤一笑。

浣溪沙

風掃長林雪壓枝。紛紛凍鵲傍簾飛。一尊聊作破寒威。春意正愁梅漏泄。客情尤怕病禁持。

曲闌干外日初遲。

南歌子

片片雲藏雨。重重霧隱山。可憐新月似眉彎。今夜斷腸凝望小樓寒。夢斷雲房遠。書長蠟炬殘。夜妝應罷短屏閒。都把一春心事付梅酸。

如夢令

珠閣雨簾高捲。望斷碧梧牆院。短夢有幽尋。曉枕一峯雲亂。誰見誰見。風散菊英千片。

浣溪沙

微綻櫻桃一顆紅。斷腸聲裏唱玲瓏。輕羅小扇掩酥胸。惹鬢蛛絲新有喜。窺窗月彩舊相從。清宵一醉許誰同。

浪淘沙

涼露洗秋空。菊徑鳴蛩。水晶簾外月玲瓏。燭蕊雙懸似玉。蔌蔌啼紅。宋玉在牆東。醉袖搖風。心隨月影入簾櫳。戲著錦茵天樣遠。一段愁濃。

醉桃源

檀香新染砑紅綾。腰肢瘦不勝。合歡小幌掩餘醒。芙蓉入夢頻。山不盡。水無情。錦河隔錦茵。劉郎僂骨未應輕。桃花已誤人。

思佳客

夢裏相逢不記時。斷腸多在杏花西。做開笑語兜鞋急。還有燈光掠鬢遲。辭永夜。失深期。一枝黃菊對傷悲。夜涼窗外聞裁翦。應熨沈香製舞衣。

小重山

雨洗簷花溼畫簾。知他因甚地。瘦厭厭。玉人風味似冰蟾。愁不見。煙霧曉來添。煩惱舊時諳。新來一段事。未心甘。滿懷離緒過春蠶。燈殘也。誰見我眉尖。

柳梢青

遠簾籠月。誰見南陌。子規啼血。萸糝菊英。整冠落帽。一時虛說。五湖自有深期。曾指定燈花。細說燕子巢空。秋鴻程遠。音書中絕。

卜算子

雲破月高懸。照我雙雙淚。人在朱橋輕曲西。翠幕重重閉。要見索商量。見了還無計。心似長檠一點燈。到曉清清地。

又

眉爲占愁多。鎮日長長斂。試問心中有底愁。淚早千千點。莫唱短因緣。緣短猶傷感。誰信蕭郎是路人。常有深深念。

又

一日抵三秋。半月如千歲。自夏經秋到雪飛。一向都無計。續續說相思。不盡無窮意。若寫幽懷一段愁。應用天爲紙。

又

得酒解愁煩。多病還疎酒。本是多情失意人。此味如何受。沈醉且高歌。不飲心常有。守著殘燈鬪著眉。怎不腰肢瘦。

如夢令

多謝西池桃李。伴我一春沈醉。能有幾多香。陪了一江來淚。憔悴憔悴。又是落花鋪地。

木蘭花慢

石榴花謝了。正荷葉蓋平池。試瑪瑙杯深。琅玕簟冷。臨水簾帷。知他故人甚處。晚霞明斷浦。柳枝垂。唯有松風水月。向人長似當時。依依望斷水窮。雲起處。是天涯。奈燕子樓高。江南夢斷。虛費相思。新愁暗生舊恨。更流螢弄月入紗衣。除卻幽花。輕草。此情未許人知。

又(重午)

對修篁萬個。更疎雨洗琅玕。望燕外晴絲。鷗邊水葉。蝴蝶成團。榴紅勸人把酒。汎菖蒲對客不成。慳金縷。新番彩索。始知今歲衣寬。年年此日青樓。花缺處倚闌干。記小扇清歌。蠻牋妙墨。

不覺更殘。可憐舊遊似夢。向人人未減。一枝蘭。縱有千金莫惜。大家沈醉花間。

又(七夕)

桂鄉雲萬縷。更飛雨洗香車。念密會經年。銀潢浪阻。玉露期賒。靈星瑞橋對展。散匆匆喜色滿。天涯回首。丁寧曉角。未宜吹動梅花。家家競賞彩葢。穿桂影。醉流霞。漸舞袖翻鸞。歌聲綴鳳。斂影交加。人間共饒宴樂。算天孫怎忍。遣河斜。莫惜西樓剪燭。大家同到啼鴉。

戀香衾

記得花陰同攜手。指定日許我同歡。喚做真成熱心安。打疊從來不成器。待做個平地神仙。又卻不成些事。驀地心殘。據我如今沒投奔。見著你淚早偷彈。對月臨風。一味埋冤。笑則人前不妨笑。行笑裏斗覺心煩。怎分得煩惱。兩處勻攤。

豆葉黃

菱荷香外一聲蟬。風撼琅玕。驚畫眠。刻燭題詩花滿牋。小神仙。對倚闌干。月正圓。

又

晚妝新試碧衫涼。金鴨猶殘昨夜香。柳際風來月滿廊。一雙雙。人對鴛鴦浴小塘。

又

輕羅團扇掩微羞。酒滿玻璃花滿頭。小板齊聲唱石州。月如鉤。一寸橫波入鬢流。

又

林花著雨褪胭脂。葉底雙桃結子遲。對鏡憑郎略皺眉。笑微微。燕子羞人必懶歸。

又

玉簫風外一聲清。粉面嬋娟月對明。紫府樓臺夜不扃。羽衣輕。穩駕雙鸞謁帝庭。

千秋歲

寶蟾懸鏡露顆傾。荷柄飛螢。點點明花徑。凝愁情不展。宿酒風還醒。天似曉。銀河半落星相趁。心事都無定。才致元相稱。春過了。秋將近。小窗通竹浦。野色連金井。得仗個多情燕子。分明問。

好事近

心事已成空。春盡百花零落。誰見黃鸝百轉。索東君評泊。曉來枝上語綿蠻。應悔向來錯。看則綠陰青子。卻恁惶無託。

南鄉子

小雨阻行舟。人在煙林古渡頭。欲挈一尊相就醉。無由。誰見橫波入鬢流。百計不遲留。明月他時獨上樓。水盡又山山。又水溫柔。占斷江南萬斛愁。

又

樊子喚春歸。夢逐楊花滿院飛。吹過西家人不見。依依。萍點荷錢又滿池。屈指數佳期。何日憑肩對展眉。傾盡十分應不醉。遲遲。何惜櫻桃杏子時。

浪淘沙

纖指捧玻璃。莫惜重持。自離閨苑失回期。門掩東風桃著子。簾影遲遲。樓上正橫篴。荷氣沾衣。誰將名玉碾花枝。不比尋常紅與紫。取次芳菲。

卜算子

（余每爲歡詩使李連歌之即解人深意自去年七月親往華亭口口矣余爲之輟筆昨夜酒醒臥不能穩試作卜算子以寄之）

渡口看潮生。水滿蒹葭浦。長記扁舟載月明。深入紅雲去。荷盡覆平池。忘了歸來路。誰信南樓百尺高。不見如蓮步。

小重山

雲護柔條雪壓枝。斜風吹絳蠟。點胭脂。薔薇柔水麝分臍。園林晚。脈脈帶斜暉。深閣繡簾低。寶奩勻淚粉。晚妝遲。一枝屏外對依依。清宵永。誰伴破寒卮。

惜分釵

春將半。鶯聲亂。柳絲拂馬花迎面。小堂風暮。樓鐘草色連雲。暝色連空。重重鞦韆畔。何人見。寶釵斜照春妝淺。酒霞紅與誰同。試問別來。近日情悰。忡忡。

又

重簾挂微燈下。背蘭同說春風話。月盈樓。淚盈眸。靦著紅裯。無計遲留。休休。爲花謝。春殘也。等閒泣損香羅帕。見無由。恨難收。夢短屏深。清夜悠悠。悠悠。

如夢令

花趁清明爭展。白白紅紅滿院。莫怪淚痕多。愛底不能得見。凝戀凝戀。門外雨飛簾捲。

水龍吟

年年九月西湖。繡船繼日笙簫擁。五雲深處。紅簾一桁。語爲歌鳳。羣玉峯頭。影娥池畔。煙霞飛動。認蓬瀛仙子。雲程路遠。貪人世。瑤池夢。要看黃塵清海。戲直珠麻姑清縱。曲門自有菊金芳砌。月篔簹。棗子著宮桃。舞翻官柳。霞杯纖捧。待明年更把。西風妙曲。按成新弄。

鵲橋仙

西風不落。薄衾孤枕。記起花時些個。宿愁新恨。兩關心。說道理分疎不可。別愁如絮。佳期何在。古屋蕭蕭燈火。打窗風雨。又何消。夢未就。依前驚破。

點絳脣（理節鼓子詞）

扇列紅鸞。赭黃日色明金殿。御香惹茜。寶仗香風暖。咫尺天顏。九奏朝陽筦。羣臣宴。醉霞凝面。午漏傳宮箭。

又  
俊眼犀心。尊前如有乘鸞使。過愁傳怨。只許燈光見。見了重休。河漢明遮斷。深深院。亂風飄  
散。揉了雙羅燕。

水調歌頭

解衣同一笑。聊復起廚煙。醉鄉何處。與君舒嘯入壺天。長怪時情狹隘。杯酒豈容我輩。不上謫  
仙船。雅志念湖海。小艇一絲竿。夜迢迢。燈燭下。幾心閒。平生得處。不在內外及中間。點檢春  
風歡計。惟有詩情宛轉。餘事盡疎殘。彩筆題桐葉。佳句問平安。

好事近

世事莫牽縈。樂取這閒時節。且恁醉來醒去。免光陰虛設。有則有個潑心兒。不放被利名啜。  
卻待兩手分付。與風花雪月。

又

長記十年前。彼此玉顏雲髮。尊酒幾番相對。樂春花秋月。而今各自困飄零。憔悴幾年別。說  
著大家煩惱。且大家休說。

青玉案

一尊聊對西風醉。況九日明朝是。曾與茱萸論子細。江天虛曠。暮林橫遠。人隔銀河水。碧雲

漸展天無際，吹不斷黃昏淚。若作懽期須早計，如何得似碧邊新菊，雙結黃金蕊。

聖求詞終

聖  
求  
詞

# 聖求詞跋

呂聖求名渭老。或云濱老。橋李人有聲宣和閒。其詠梅詞寄調東風第一枝。先輩與坡仙西江月並稱。茲集中不載。不知何故。其詞云。老樹渾苔。橫枝未葉。青春肯誤芳約。背陰未返。冰魂陽梢已含紅萼。佳人寒怯。誰驚起。曉來梳掠。是月斜窗外。棲禽霜冷。竹間幽鶴。○雲澹澹。粉痕漸薄。風細細。凍香又落。叩門喜伴金尊。倚闌怕聽畫角。依稀夢裏。半面淺窺珠箔。甚時重寫鸞牋。去訪舊遊東閣。又惜分釵。其自製新譜也。尾句用二疊字。云重重。又云忡忡。較之陸放翁釵頭鳳尾句云。錯錯。莫莫。更有別韻。又喜用險峭字。如側寒斜雨之類。楊升庵云。其用側寒字甚新。唐詩春寒側側掩重門。韓偓詩側側輕寒翦翦風。又無名氏詞玉樓十二春寒側。與此側寒相襲。用之不知所出。大意側不正也。猶云峭寒爾。今坊本俱作側寒。幾認壹笑爲壹矢矣。古虞毛晉識。